





第六六八冊

四庫全書

●上海古籍出版社

本冊目次

輟全書

欽定八旗通志(五)

清乾隆五十一年敕撰

卷之六十八

欽定四庫全書

史部
欽定八旗通志卷二百三至二百四

欽定四庫全書

欽定八旗通志卷二百三

人物志八十三

大臣傳六十九

漢軍鑲紅旗一 馬鳴珮 柯汝
趙國祚 柯永盛 吳萬福 周有德 陳啟泰
王登熙

馬鳴珮

馬鳴珮漢軍鑲紅旗人先世居山東蓬萊縣有馬

英者仕明為遼東保義副尉因占籍遼陽左衛

欽定四庫全書

欽定八旗通志
卷二百三

國初取遼陽始隸旗籍鳴珮年十七補博士弟子員

以文學受知

太宗文皇帝召入文館理事天聰三年授工部啟心郎仍

供事內院崇德元年甄別內三院官為四等鳴珮

列二等

賜人戶牲畜八年考滿授職雲騎尉順治元年

世祖章皇帝定鼎燕京擢山西冀南道二年調湖廣湖南

道三年以戶部侍郎銜總督江南糧儲兼理錢法

疏言錢法首嚴私鑄犯者宜盡法究治並請設錢
法道一員以資統理時江南兵饑不敷又請留閩
權稅課接濟並見施行八年任戶部侍郎十年改
總督倉場侍郎十一年二月權宣大總督勸墾宣
雲兩鎮荒地三千餘頃時平陽草寇嘯聚山谷肆
出劫掠鳴珮調兵扼要隘乘機捕勦令副將許占
魁搜擒賊渠張五等二百八十餘人悉斬之復招
撫餘賊九十餘人下部議叙十月調江南江西總
督偽伯陳其綸竊據瑞金遙附海寇鄭成功結寨
大柘山鳴珮檄總兵胡有陞等督兵進剿其綸敗
竄入寧都天心寨為土人擒斬又搜捕偽侯汪龍
於九江是時成功黨胡寧等猖獗逞亂鳴珮策官
軍於蕩蕩諸淫擊走之未幾故明魯王舊將張名
振聚船海上屢犯崇明鳴珮勅總兵王燦防勦無
能請黜罷下部察議部臣以海寇登岸焚掠提督
張天祿疎防失事鳴珮不據寔入告坐狗庇降二

級留任督勦尋遣舟師開道出海與賊遇奮擊之
賊潰奔擒偽副將林正禮等獲其船艦軍械先是
福山等營額兵一千八百名部臣核議裁減鳴珮
以沿海汎地遼闊狡賊乘虛竊發勢難堵禦請仍
如原額復周應松江崇明諸邑親察形勢奏請水
陸夾剿攻守有脩部臣又以給事中張玉治言江
寧提督應移駐蘇州吳淞宜增兵防禦令鳴珮核
議鳴珮以沿海水陸相錯巡防尤不宜懈應令江
寧提督分兵移守劉河福山以衛蘇州至吳淞為
松江門戶已有蘇松提督駐守無需再議增兵但
今與江寧提督協籌勦禦勢相犄角則內地可保
無虞疏入得

旨俞允十二月海賊潛舉再犯泊舟崇明海港中隔小洪
官軍莫能徑渡鳴珮密令民戶出草束木板運港
側以濟師焚燬賊船斬獲無算賊乘夜遁十三年
正月招撫海賊黃卿等一百餘人復降其偽總兵

顧忠僑副將黃忠董禮四月率參將吳守祖協勦
海賊於浙江獨山俘獲甚衆粵東賊曾拱震等復
出沒吉安贛州二郡鳴珮督兵偵勦迭擊賊渠於
上坪閏五月追勦徽州花橋諸賊敗之旋以目疾
再疏乞休

命回京調理晉世職三等輕車都尉康熙五年正月病卒
予祭葬如典禮祀江南名宦子雄鎮別有傳

柯汝極 子永基

欽定四庫全書

欽定四庫全書
卷二百三

柯汝極遠陽人後隸鎮紅旗漢軍天命六年

太祖高皇帝攻克遼陽有降人叛逃汝極舉發其事復擒

獲間諜十四人授參領子三等輕車都尉世職

太宗文皇帝天聰八年授禮部參政崇德二年考滿晉世

職二等輕車都尉三年裁省參政仍專任參領七

年分漢軍隸八旗以汝極任佐領順治元年三月

復授禮部參政二年十月改鎮紅旗漢軍副都統

遇

恩詔晉世職一等輕車都尉四年以副都統率兵駐防杭
州七年七月卒於官無子以弟之子永基為子襲
職永基旋任兵部郎中兼參領遇

恩詔晉爵三等男十年擢鎮紅旗漢軍副都統十二年兼
任戶部侍郎十三年擢本旗都統同寧海大將軍
伊勒德征浙江海賊由寧波乘舟趨定海偽伯阮
思偽總兵胡自慶等率衆列艦於街水洋我師進
擊賊衆既卻復前永基躍入賊艦斬自慶餘賊望
風披靡我諸軍並進斬阮思及偽總制陳六御等
遂定舟山十四年追論在戶部時援

欽定四庫全書

欽定四庫全書
卷二百三

赦免員外郎朱世德虧缺稅銀坐贖降世職一等輕車

都尉尋叙平舟山功仍復三等男康熙元年同靖

東將軍濟什哈征山東叛賊于七賊糾黨據棲霞

縣岬崑山乘夜劫營永基射殲三十餘人賊竄遁

復追殲九十五人于七竄入海十年三月授京口

將軍十二年以擅撥戰艦與總兵李廷棟移取家

口為副都統張所養劾奏罷任十三年起署山東提督十六年十二月文登城守兵以給饌遲延摩集縣廨鼓噪刃傷知縣吳開啟十七年五月左都御史宋德宜劾永泰平日剋減兵糧縱成驕悍文登兵衆鼓噪又隱匿不報無異養癰待潰

上命吏兵二部察議罷任革世職以其弟永執襲汝極之一等輕車都尉二十四年卒

金礪

欽定四庫全書

北光八旗通志卷二百三

金礪遼東人明武進士仕鎮武堡都司

本朝

太祖高皇帝天命七年大兵征明克廣寧城礪率屬來降授叅領子三等男爵

太宗文皇帝天聰五年始設六部以礪為兵部承政六年上幸演武場閱兵礪與叅領石國柱金玉和高鴻中等並以訓練有方

賜鞍馬尋調戶部承政八年考績晉爵二等男崇德二年

隨武英郡王阿濟格征明皮島叅領巴雅爾圖等統兵先入敵陣礪與副將高鴻中所部水師停泊觀望致前隊失利下法司議罪應褫職論死籍沒上以礪與鴻中並有歸順功

命免死四年分漢軍四旗以礪屬鑲紅旗漢軍復任叅領五年授吏部承政六年推都統七年大兵克松山與都統巴顏奉率

欽定四庫全書

北光八旗通志卷二百三

敕收藏所獲鎗礪火藥以備用旋克塔山隨鄭親王濟爾哈朗等駐守其地八年隨鄭親王攻前屯衛中後所二城指揮士卒發紅衣礪克之論功子三等輕

車都尉世職順治元年五月偕副都統李率泰安撫天津亂民六月同都統葉臣招撫山西時流賊李自成遁入陝西賊黨陳永福竊據太原礪與葉臣潛往審視攻圍處所城內步兵突出礪擊敗之復督本旗兵以紅衣礪攻克其城凱旋

賜銀四百兩晉世職二等輕車都尉二年隨順承郡王勒

克德渾征湖廣偽總兵馬進忠降而復叛礪同都統劉之源擊敗之武昌奪其戰艦六十餘尋奉

詔與副都統佟岱分率左右翼兵同恭順王孔有德征湖

南時偽伯黃朝宣等附明桂王朱由榔聚眾十餘

萬屯湖南四年礪與有德水陸並進擊敗其兵追

斬朝宣於衡州復與懷順王耿仲明副都統卓洛

進兵長沙其總兵楊國棟聚馬步眾七千迎戰礪

率兵奮擊敗之斬國棟於牛皮灘五年十月凱旋

欽定四庫全書

欽定八旗通志
卷二百三

賜金二十兩銀四百兩六年正月叙功晉世職一等輕車

都尉七月授平南將軍鎮守浙江七年遇

恩詔加一雲騎尉八年明魯王朱以海及其臣阮進張名

振據舟山礪與副都統吳汝珩等率兵由寧波出

定海會總督陳錦兵敗進於橫洋擒斬之遂抵舟

山掘陷其城名振擁以海逃九年海賊鄭森犯漳

州礪奉

命統兵赴福建議勦師至泉州賊聞風退屯江東橋礪由

長泰進營漳州城北分兵萬松關以牽制賊營賊

糾眾來攻我兵迎擊七戰皆捷斬獲無算漳州圍

解海澄南靖漳浦諸縣悉平叙功並兩遇

恩詔晉爵至一等男加一雲騎尉十一年授陝西四川總

督十二年奏請以遵義永寧二鎮兵分屯順慶府

潼川州川北龍安之兵亦令各擇曠土屯種即有

寇警不勞運餉而兵食自足又以陝西神道顧地

當險要宜於潼關各營撥兵五百分駐附近諸處

欽定四庫全書

欽定八旗通志
卷二百三

以資援勦俱下部議行十三年三月引年乞休

上念其宣力多年勦謹風著

命加太子太保以原官致仕康熙元年七月卒

賜祭葬如例以其弟俊襲爵

劉武元 子浩孫中柱中樞中樞中樞

劉武元遼東人初為明遊擊守大凌河

太宗文皇帝天聰五年隨明總兵祖大壽來降崇德六年

授刑部叅政七年分漢軍為八旗武元隸鑲紅旗

漢軍順治元年叙投誠功授三等輕車都尉世職

二年任天津兵備道三年擢南贛巡撫時瑞金石

城興國等縣土賊嘯聚武元達副將徐啟仁等討

平之復分遣副將劉伯祿參將葉志遠擊鮑虎

勒龍南寧都上猶賊衆破蓮花魚骨二寨擒斬偽

都督葉南楚偽軍門劉志諭偽提督劉飛等五年

正月江西提督金聲桓偕副將王得仁據南昌叛

糾黨犯贛州武元堅守累月登陴督戰殺賊萬餘

欽定四庫全書

欽定八旗通志
卷二百三

俘獲無算得仁被創先逃聲桓聞征南大將軍譚

泰率八旗兵征南昌亦退還武元出奇兵襲其後

敗之於太湖港時廣東提督李成棟叛於惠州連

陷郡邑勾連尚寶土寇號稱百萬於十月朔薄贛

州武元與總兵胡有陞授計諸將乘賊方鑿壕分

兵東西南三門出擊合攻賊營賊驚潰自相蹂躪

成棟僅以數騎走事

聞得

旨嘉獎

賜鞍馬冠服叙功加銜右都御史兼兵部侍郎六年二月

成棟復糾偽武陟伯閔蝦蟆偽宣平伯董方策等

屯聚信豐武元偕胡有陞及副都統覺善合剿破

賊營五成棟濟河宵遁馬蹶墮水死餘賊盡殲四

月武元達副將先啟玉勦賊瑞金縣斬偽豐城王

朱由植及偽監軍李元培等七月進勦梅嶺破賊

木城擒偽總兵劉治國七年正月武元達衆養志

欽定四庫全書

欽定八旗通志
卷二百三

協攻南雄府復其城副將高守貴攻克汀州紫雲

臺寨六月偽軍門彭順慶竊據寧都石城二邑武

元達鮑虎克復之八年廣東餘孽羅榮犯贛南武

元達裨將楊過明領兵進勦擒斬羅榮十年正月

偽鎮遠侯郭達伯勾連閩廣諸賊嘯聚寧都瑞金

界武元達遊擊左雲龍馳擊賊兵潰斬獲甚多閩

六月引疾乞休

命以原官致仕尋叙平廣寇功加太子太保兵部尚書三

遇

恩詔晉世職一等輕車都尉兼一雲騎尉十一年卒年五

十有二

賜祭葬如典禮贈少保諡明靖後追叙軍功晉二等男長

子瀟襲爵次子浩康熙十三年任廣西潯州府知

府會逆賊孫延齡叛率偽總兵鍾成德以兵薄城

下圍且急浩與副將蔣秉鑑倉卒備禦晝夜堅守

以待援兵越五日東鑑暗通賊啟城內應縛浩獻

欽定四庫全書

欽定四庫全書

十一

賊營逼使降浩罵賊不屈死之其子中柱中樑中

樞中樞及家屬七十餘俱被害事

聞

賜祭葬贈太僕寺卿雍正三年入祀昭忠祠

李棲鳳

李棲鳳廣寧人隸銀紅旗漢軍以生員任秘書院

副理事官崇德元年考察各官棲鳳列二等

賜人戶牲畜順治元年授山東東昌道二年調湖廣上荆

南道三年六月遷湖廣布政使十月擢安徽巡撫

值休寧婺源二縣土賊吳繼程國柱等聚眾劫掠

棲鳳檄總兵李仲興副將許漢鼎發兵會剿擒獲

偽總兵江島鄭恩祥招降偽總兵張天麒江周等

十人又土賊趙正犯宿松棲鳳偕總兵卜從善冷

允登進剿師至洿池斬賊千人擒趙正子趙捷應

弟趙秀升及偽瑞昌王朱誼貴等俱伏誅會屬邑

有濫徵租稅者棲鳳不舉劾坐徇縱降三級調用

欽定四庫全書

欽定四庫全書

十一

五年授浙江嘉湖道六年擢廣東巡撫時廣東賊

寇俱附明桂王朱由榔連陷郡邑平南王尚可喜

靖南王耿繼茂奉

命往征率師駐守省城棲鳳駐南雄策應軍需七年會師

攻克韶州府勒平雷州廉州諸賊寨八年偽國公

曹志建率眾犯韶州棲鳳飭南韶道林嗣環遊擊

張瑋擊却之斬賊二千餘九年遣副將先啟玉陣

擒叛鎮李成棟子李元允於欽州十年李定國兵

欽定四庫全書

欽定八旗通志
卷二百三

十四

由廣西梧州突犯肇慶樓鳳調廉州兵馳援敗之於龍頂岡尋令總兵徐成功吳進功分兵恢復羅定州東安縣又遣副將陳武李之珍勦賊於高州府至沙江賊沿河列寨我兵渡河衝擊擒獲偽副將姚奇偽中軍余元璣等旋率兵抵化州吳川焚毀賊巢賊誠無算叙功加兵部右侍郎十一年甄別直省督撫加樓鳳一級十五年三月考滿加兵部尚書六月擢兩廣總督時朱由榔竄雲南其將

陳奇策與其江夏王朱蘊鑰德陽王朱儼錦盤踞上思州旁掠屬邑樓鳳檄總兵葉養志率兵進勦陣擒奇策蘊鑰儼錦又勦撫那綿板強諸寨太平思恩等府皆平十七年加太子少保先是御史李之芳劾樓鳳濫委廢員郭光祖署左江道等事

詔樓鳳回奏樓鳳自引咎部議應罰俸援

赦寬免十八年九月分設廣西廣東總督樓鳳改廣東十

二月以年老致仕康熙三年正月卒

賜祭塋如例祀廣東名宦祠

趙國祚 子珏

趙國祚漢軍鑲紅旗人父一鶴

太祖高皇帝時來歸

太宗文皇帝天聰八年追叙各官授誠功子三等輕車都

尉世職尋卒國祚兄國正承襲崇德四年國祚管

佐領事率漢軍屯田義州八年三月同護軍統領

阿爾津等征黑龍江師還

欽定四庫全書

欽定八旗通志
卷二百三

十五

賜貂皮白金九月隨鄭親王濟爾哈朗征明取前屯衛中

後所二城順治元年叙功子雲騎尉世職尋管叅

領事隨豫親王多鐸南征攻克揚州府及嘉興府

江陰縣叙功晉世職騎都尉八年授戶部理事官

由叅領擢鑲紅旗漢軍副都統尋遷都統屢遇

恩詔晉世職至二等輕車都尉十二年九月調鑲白旗漢

軍都統十二月授平南將軍駐防浙江十五年任

浙江總督十六年二月海賊鄭成功犯溫州國祚

以督兵擊敗獲船九十疏報復言遣兵分勦永嘉
泰順青田諸土賊斬獲甚衆尋又疏報鄭逆率衆
十餘萬水陸分踞盤石及樂清之沙園蒲岐官兵
奮勇往勦賊棄船數十泛海遁城池全復行間勞
績應察明請叙得

旨覽所奏各官塘報賊船自遁止留空城並無對敵實跡

趙國祚稱城池全復希功請叙殊不合理下部察議

降三級留任五月疏報鄭逆率馬步賊兵由定關

欽定四庫全書

欽定八旗通志
卷二百三

十六

直逼寧波府城副都統夏景梅水師總兵常進功

等率兵轉戰大捷賊船遠遁請

勅部叙功得

旨凡管兵各官報捷必臨陣斬獲若干所獲馬匹器械若

干攻克城池營寨若干確實有據始可言功若泛言斬

獲或城池失守賊去即稱恢復皆係飾詞鋪張深為可

惡常見明末行間奏報輒云殺死無數獲器械無算掩

敗為功相為欺罔以致誤國今乃仍踵陋習每多希功

請叙倘沿習不改必致貽誤封疆著通行嚴飭以後再

有此等奏報者定治以罔上冒功之罪不貸是月鄭成

功寇江南旋陷鎮江犯江寧大兵崇擊月餘賊乃

敗遁於是部議江浙管兵大員玩寇罪並追論國

祚任駐防及任總督先後被賊陷平陽瑞安樂清

太平等縣城防禦多疎應革任

詔從寬罰俸一年戴罪圖功自贖十八年六月奏請以台

州温州寧波之道府廳及臨海永嘉鄞縣官並照

欽定四庫全書

欽定八旗通志
卷二百三

十六

邊俸例陞轉從之九月調山東總督十月調山西

康熙元年甄別直省督撫國祚以過多功少解任

十三年逆藩吳三桂反國祚請出征効力起為江

西提督駐九江尋以賊犯江西

上命副都統根特率南昌駐防兵赴袁州國祚率兵移駐

南昌時逆藩耿精忠叛應吳三桂遣賊黨犯江西

陷廣信撫州建昌國祚同定南將軍希爾根平寇

將軍哈爾哈齊率兵征勦俄都督易明白建昌率

賊萬餘迎戰大兵分道擊敗追勦七十餘里遂復
撫州國祚同哈爾哈齊駐守易明復糾賊萬餘來
犯國祚同前鋒統領沙納哈署護軍統領瓦岱奮
擊之賊賊四千有奇十四年大將軍安親王岳樂
以國祚久歷行間熟悉軍務疏請隨征

上允之十五年進兵長沙吳逆合衆來犯國祚擊卻之尋
以茶陵新復亟需重兵

詔國祚移兵駐茶陵安親王疏言長沙要地賊鋒難遏國

欽定四庫全書

欽定八旗通志
卷二百五十九

十一

祚未可遽離遂仍留駐守十八年長沙賊平隨安
親王赴寶慶敗賊於紫陽河賊將吳國貴據武岡
聞大兵至率衆二萬餘扼雙井堡隘口拒戰國祚
同建義將軍林興珠大敗之國貴中毆死餘衆宵
遁追至武岡州賊棄城遠竄國祚尋以創發乞休
允還京致仕二十七年九月卒年八十

賜祭葬如典禮謚敏壯子珂襲職三十四年由廣東駐防
協領授鑲紅旗漢軍副都統三十五年

上親征噶爾丹

命珣率本旗火器營以從三十八年任京口右翼副都統

四十四年擢正紅旗漢軍都統四十七年二月卒

賜祭葬如例珣所襲父職部議減去

恩詔晉加者改為騎都尉以珣之子世昂襲

上念趙國祚當征勦吳逆時著有勞績

命仍襲二等輕車都尉

柯永盛 弟永昇

欽定四庫全書

欽定八旗通志
卷二百五十九

十一

柯永盛遼陽人隸鑲紅旗漢軍副都統柯汝極從
子也

太宗文皇帝崇德六年任佐領隨大軍圍錦州以破攻克

涼馬山臺及杏山塔山城七年奉

命同副都統馬光輝鑄神威礮八年隨鄭親王濟爾哈朗

征明取前屯衛中後所二城叙功子騎都尉世職

順治元年任刑部理事官大軍初定山東授膠州

總兵至則勦平昌樂土賊秦尚行趙慎寬等流賊

李自成裨將趙應元說就侍郎王鰲永招撫入青
州害鰲永據城猖獗永威率兵赴援同副都統和
托李率泰駐兵城外輕騎入城以計擒應元斬之
復率兵圍高密擒斬偽元帥張興二年濰縣土賊
張廣既降復叛糾衆數千犯萊州永威遣遊擊楊
遇明擊敗其衆廣中鎡死餘賊悉平三年調江寧
總兵總督洪承疇遣永威領兵會勦江西叛賊南
贛巡撫苗胙上奏言江西諸郡叛服靡常贛州為
全省要區請留永威鎮守

欽定四庫全書

欽定八旗通志
卷二百三

三十一

詔調永威南贛總兵四年正月湖廣興國州土賊柯抱冲
陳珩玉等殺武昌同知張夢白寇掠江西武寧永
威遣將分勦連破賊砦抱冲珩玉並就擒時明桂
王朱由榔據湖南石城寧都寧都瑞金長寧安遠
諸邑叛應之倚山結寨四出劫掠永威遣副將劉
伯祿徐啟仁參將董大用遊擊孔國治等次第勦
平之八月擢湖廣提督五年江西總兵金聲桓叛

興國孝感雲夢黃安麻城新州諸土賊亦皆蠢動
永威移兵防守要地分遣參將鄒乘鸞遊擊張國
忠等搜勦賊寨以時奏捷十年奉定國兵掠湖南
寧遠大將軍貝勒屯齊統師由衡州進征永威督
兵繼其後策應援勦屢敗賊衆遇

恩詔晉世職三等輕車都尉十八年調山西提督康熙三
年考滿加左都督七年永威以年老乞休

上慰留之尋以宣力年久加太子少保八年致仕十四年

欽定四庫全書

欽定八旗通志
卷二百三

三十一

正月卒

賜祭葬如例子鍾襲世職弟永昇由廕生用至員外郎康
熙十三年隨征逆藩吳三桂至湖廣辦理糧務有
功即軍前授為湖南糧儲道十九年遷江西按察
使二十二年遷安徽布政使二十七年二月擢湖
廣巡撫時裁湖廣總督令督標兵老弱者歸農強
壯者候缺食糧五月永昇甫之任裁兵夏逢龍結
衆作亂突入巡撫署遇拒阻者輒力之傷永昇

臂奪其印復傷永昇足仆地悉驅其親屬及家人
出走搜掠財物永昇乘間自縊死子鉉由九江走
安慶以其事訴於巡撫楊素蘊素蘊入奏

賜贈卹祭墓如典禮

世宗憲皇帝時以永昇入祀昭忠祠

吳萬福

吳萬福奉天遼陽人初仕明為守脩崇德七年大
軍圍松山萬福隨副將夏承德來歸隸鎮江紅旗漢

欽定四庫全書

欽定八旗通志
卷二百三

三

軍順治元年從征流賊李自成叙功授騎都尉世

職三遇

恩詔加至二等輕車都尉十五年加都督食事充新設之

福建福寧總兵康熙元年六月海賊偽總兵王士

鰲偽副將李禮泊船沙埕青山萬福遣使招撫

士鰲禮悔悟投誠為偽水師都督阮述陳文達圍

阻不得達萬福親督兵夜馳踰嶺殺賊眾千餘援

士鰲禮突圍出二年十一月海賊阮春雷以船二

十餘竊據東蚶長腰外島窺福寧明魯王舊將張

煌言率五十餘船入閩與春雷合適偽鎮林國樞

統三十餘船來歸機洩煌言合眾圍之國樞惶

言之弟嘉言復以砲碎其船乞援于萬福萬福以

福寧向無舟師議用國樞之船攻之遣遊擊李應

先劉成海等水陸夾勦擒斬數百級奪船械毀東

蚶長腰賊巢春雷煌言俱遠遁事

開傳

欽定四庫全書

欽定八旗通志
卷二百三

三

吉嘉獎加都督同知三年三月春雷煌言復集百餘艘泊

三都青山等處萬福約水師總兵李長榮夾勦長

榮趨東街口萬福統國樞船直抵官井洋箭礮齊

發斬二百餘級焚其船五賊窘退出東街口長榮

師適至復進擊賊北潰遂合兵追至大洋陣斬及

溺死者甚眾獲甲冑旗槍無數復窮搜三都青山

各澳毀其巢春雷赴泉州降總督李率泰疏請錄

叙部議長榮加二級萬福加一級

上諭總兵李長榮吳萬福進剿一處賊寇攻戰無甚懸殊
再加核議尋議各加一級得

旨李長榮加署都督僉事吳萬福加右都督十三年四月
逆藩耿精忠叛萬福嬰城固守城破死之全家被
害十九年

詔褒卹殉難諸臣贈萬福左都督太子少保

賜祭墓謚忠愍除所得輕車都尉襲替外復廢子第一人

守備三十五年福建巡撫卞永譽請建祠于閩春

欽定四庫全書

欽定八旗通志
卷二百三

三

秋致祭得

旨俞允雍正二年入祀昭忠祠曾孫瑞麟襲輕車都尉十

一年與都統趙宏濟會飲革職銷除輕車都尉仍

留騎都尉世襲因替瑞麟子銳鑑鑑子國澍連襲

國澍任廣西慶遠副將萬福次曾孫祥麟襲難廢

守備

周有德

周有德漢軍鑲紅旗人順治二年由貢生授宏文

院編修五年十一月大同總兵姜瓖叛有德隨英

親王阿濟格往征賊平還京授侍讀康熙元年遷

國史院侍讀學士尋擢宏文院學士二年授山東

巡撫疏言歷城縣有明李廢藩地畝應如齊河等

縣例照民田科賦不宜仍明時租額徵收事下部

議行三年六月以獲解逃人加工部侍郎銜明年

疏請復孤貧口糧舊額請寬青萊登諸處居民海

禁仍聽其捕魚資生又言德州駐防兵丁應如陝

欽定四庫全書

欽定八旗通志
卷二百三

三

西浙江例准支月糧舊所給民地五百餘頃仍還

之民又言各省州縣官有因錢糧未完被劾者若

于離任之先如數納納請仍留舊任又以兗州濟

南東昌青州四府旱災請加賑恤登萊二府歲亦

歉收請免本年額賦疏皆下部議行六年擢兩廣

總督七年

上遣都統特錦等會勘廣東沿海邊界設兵防守俾民復

業有德疏言前此界外遷入內地之民頗苦失業